

Your Logo

Your Legal Services Program Name

ÈD FEMA POU SIKLÒN KÉKSION YO MANDE ANPIL

1. **Ki kalité bénéfis FEMA bay?**

FEMA sé yon sant protèksion ki anchajé zafè bénéfis éta-a ak gouvènman fédéral pou moun ki viktim nan siklòn. FEMA désidé tou ki moun ki kalifié pou program **pou Individu ak Moun ki responsab yon kay**. Program sa-a gen 2 pati: **Asistans pou kay** ak **Asistans Finansyé pou Lòt Bezwen**.

2. **Konbé lajan mwen kapab résévwa nan men FEMA?**

Ou kapab résévwa plis pasé 27,000 dola ansanm nan program sa-a, ladan genyen Asistans pou kay ak

“Asistans Finansyé pou Lòt Bezwen.” Anpil moun résévwa pi piti pasé sa-a. Pou ou apliké, rélé FEMA nan **1-800-621-FEMA (3362)** (moun ki pa tandé osinon ki pa kapab palé ben) rélé **TTY 1-800-462-7585**. Ou kapab apliké tou sou Entènèt nan <http://www.fema.gov/assistance/register.shtm>.

3. **Eské mwen dwé you sitwayen mériken pou mwen résévwa bénéfis FEMA?**

Non. Etranjé kapab kalifié tou pou yo apliké pou bénéfis FEMA. Si ou sé yon imigran ki ponkò vin'n sitwayen mériken, ou kapab kalifié si ou gen rézidans pèmanant (Grenn Kat), réfijé, si yo té ba ou azil, si yo té lagé ou sou pawòl pou yon lané, si ou té antré sou program Kiben/Ayisien, si yo té anilé dépòtasyon ou, osinon yon viktim violans domestik. Si ou kalifié, ou kapab apliké ak tout fanmi ou menm si sé pa tout manb fanmi lan ki kalifié.

4. **Ki moun ki kalifié pou Asistans pou Kay apré Siklòn?**

Ou kalifié si kay koté ouap viv la depafini akòz siklòn nan. Si ou gen asirans, ou dwé moutré ou fè anpil éfò pou ou jwenn bénéfis asirans lan men ou pat réisi. Ou dwé dakò tou pou renmèt FEMA lajan sa-a si pita ou ta vin'n jwenn bénéfis asirans lan.

5. **Ki kalité Èd Asistans pou Kay mwen ka résévwa?**

Asistans pou Kay pou Siklòn sé toujou yon chèk pou kouvri frè lwayé pou yon périod 3 mwa.

Si kay la sé pou ou, ou kapab jwenn lajan tou pou ou réparé'l si asirans pa kouvri domay yo épi si lajan réparasyon yo pa dépasé 5,400 dola.

Si pa gen kay ki disponib pou ou lwé, FEMA kapab bay kay mobil osinon trèlè.

6. **Ki moun ki kalifié pou “Asistans Finansyé pou Lòt Bezwen”?**

“Asistans Finansyé pou Lòt Bezwen” sé pou moun ki gen dépans nésésé ki gen pou wè ak siklòn nan osinon moun ki gen kèk lòt bézwen sérié ki pa kouvri ditou, menm asirans, ni okenn lòt fason pou jwenn lajan prêté nan men Admimistrasyon pou Ti Biznis. Si FEMA pansé ou kapab kalifié pou ou jwenn lajan prêté nan men Admimistrasyon pou Ti Biznis, ou va gen pou ou apliké, épi si yo réfizé ou kapab résévwa “Asistans Finansyé pou konblé Lòt Bézwen.”

7. **Ki kalité èd mwen kapab résévwa nan program pou “Lòt Bézwen”?**

“Asistans Finansyé pou Lòt Bézwen” sé yon chèk pou kouvri depans nésésè osinon bézwen sérié pou:

- A. Dépan médikal ak depans pou dan akòz siklòn nan
- B. Dépan finéray pou moun ki mouri nan siklòn nan.
- C. Réparasion osinon ranplasman bagay pèsònèl ou ki domajé osinon dépéri nan siklòn nan
- D. Réparasion osinon ranplasman yon vwati ki domajé osinon dépéri nan siklòn nan, osinon lajan pou transpò piblik.
- D. Lòt depans tankou broté ak mété nan dépo akòz siklòn nan, osinon lajan pou kouvri Asirans pou Dlo.

8. Eské bényéfis profram pou Individu ak Mèt kay kapab yon problèm pou mwen kalifié pou SSI, TANF, Medicaid, osinon Food Stamps?

Non. Program bényéfis pou Individu ak Mèt kay pa kapab konté ni kòm Révni ni kòm lòt Résous pou kapab wè si yon moun kalifié pou bényéfis gouvènman fédéral la sipòté.

9. Si'm dwé lajan, èské yo kapab pran bényéfis mwen nan program sa-a pou péyé moun mwen dwé yo?

Non. Gouvènman fédéral protéjé bényéfis sa yo, yo pa kapab ni sézi yo, ni fè ou péyé taks sou yo, ni lagé yo bay lòt moun. Ou menm tou, ou pa kapab pasé yo soti sou ou bay lòt moun.

10. Ki moun ki kalifié pou jwenn lajan prété pou Siklòn nan men Administrasion pou Ti Biznis?

Administrasion Ti Biznis prété moun lajan pou zafè pèsònèl osinon pou fè biznis apré yon siklòn, men sé pou moun siklòn sa-a té afekté. Pou ou kapab kalifié pou jwenn lajan prété pou yon ti entèrè tou piti, ou dwé moutré kay ou, osinon bagay pèsònèl ou, osinon biznis ou té domajé akòz siklòn nan, épi tou ou gen abilté pou ou kapab renmèt lajan sa-a.

Lòt Bagay Enpòtan Ou Dwé Konnen:

- **APLIKÉ LAMENM! FEMA gen yon dèlé 60 jou pou aplikasion siklòn, kidonk yon moun lakay ou dwé apliké nan périod 60 jou sa-a apré siklòn nan (sòf si yo prolonjé dèlé sa-a)!**
- **SÉ POU OU FÈ SI OU RÉSÉVWA YON KOPI APLIKASION OU-A! FEMA ta dwé posté ba ou yon kopi aplikasion ou-an apré ou rélé osinon apré ou apliké. Si ou pa résévwa kopi sa-a, PA APLIKÉ ANKÒ! Tanpri kontakté FEMA osinon biwo nou.**
- **SÈLMAN YON MOUN NAN KAY OU DWÉ APLIKÉ! Bényéfis FEMA sé pou tout yon kay, men sé pa pou chak grenn moun ki nan yon kay. Si gen plis pasé yon moun kap viv nan menm adrès ki apliké pou bényéfis, FEMA ap éséyé fè moun ki apliké andènié-a renmèt lajan-an.**

Si ou gen lòt kéksion, tanpri kontakté biwo nou ki pi pré ou pou plis enfòmasyon.

Your Legal Services Office Contact Information